



46,

CC 1527

Dsol Aevanix Et Sige dñe  
offenbarung Johannis genan-

**I**n offenbarung vñ Gesicht  
das geschehen ist dē Durchleuchtigste Für  
sten vnd herm Sigmundo König zu Hung  
ern / vnd Behem / zu Piesburg vff dem Vffart abent  
Als ir hernach hören werden von der zerstörung land  
vnd Rüngreich / vnd verfolgung der Priesterschaft.





**A**dem name gottes Jesu  
christi Amen. An dem Vffart abent nach  
Weten zeyt do ich lag an meinem gebett/  
vnd die wort die David im Psalter gema-  
cher hat sprach/ Do gedacht ich in meinem herzen an  
die egleichen rach die do geschehen ist jenthalt des me-  
res zu Hierusalem das ich das gebett nit mochte voll-  
bungen/von weinns wegen/vnnd sprach Herr mein  
gott biß nit zornig ewiglich über das volck/sonder er  
barm dich über sie/wāndu sie erlöst hast mit deinem  
blut/vn gib die eer deines namēs nit dem vnglaubha-  
tigen volck das deinen heiligen namē vneert. Do ich  
mün fürbas vast weinet do erschne mir ein erber herz  
in Bischoffs gewandt/vn het ein creuz in seiner hand  
do ich in ersabe erschrack ich ser vn was mir gleich als  
ob ich vō synnen kommen were vn mocht auch nit re-  
den/der selbig herre sprach zu mir/ Fördt dir nit vnd  
weine fürbas nit mer von der schlacht wegē die do ge-  
schehe ist vō dē vngläubigē volck/ wann dē geschehe ist  
von irer sünd weg/ vnd vō dem gerechte gerichte got-  
tes/sind hōr vff vnd merck vil böser ding vnd tribsal  
die do künftig werde der chustenheit/die vngerechten  
vn die heide/vō dem gericht gottes werden wider stre-  
ben vn grosse ding thün wider die chustenheit vnd die  
kirchen die jenethalb des meres seind die werde sie zer-  
stören vn leichnā der chusten menschen werde sie ver-  
werffen für die wilden thier/vnd auf den kirchen wer-  
den sie sündige heüser machen vn stell ires vihes vn anz-  
dere un würdigkeit werden sie treiben vor dem altar  
gottes zu einer vneierung/ vnd vil chusten menschen  
weden kommen vnder iren gewalt den selbigen wer-  
den sie vil böser ding erzeugen/ Vnnd darnach wer-  
a ii

den sie kommen über das meer vnd vil christen mensch  
 en werden in übel forchte vnd sie fliehē/ir werde auch  
 vil gefangen/ wann sie jnen mit wider streben mögen  
 von irer sünde wegen die auf gegangen seint für gott  
 vnd besunder die sünd des wüchers vñ der geytzigkeit  
 die nun so groß ist vnd sünd das mansicht mit augē/  
 das die ganze welt übergangen hat von des selbigen  
 wegen peinlich seind worden offenlich/sonderliche die  
 geistlichen die ir wesen haben mit dem bann/ auch sein  
 gar vil geistlicher die die gottes gaben bößlich vnd  
 fälschlich besitzen/vnd allermeyst in welschen landen/  
 wann do ist vil falscheit vnd kezerey vnd vil vnekeusch  
 vnd wücherey/vnd daruß die vorenantē bösen ding  
 werden kommen in iren teil gegen welsch landen/wee  
 euch welsch lande wan vil trieb sal vnd böser ding wer  
 den ir leiden von dem gerechten gericht gottes/wann  
 Rom würt mit krieg vmbgeben vnn das selbig wirt  
 zu geen durch etliche Cardinal/wee dir Rom wan du  
 würt bald gedemütiget von deinen feinden/vnd vnd  
 weilen so wirt ein frid gemacht/vnn doch kein steter  
 frid nit ist/vnd der gewalt des Bapstes vnd sein reich  
 das würt vil angst vnd grosse not vnn auch vil trieb  
 sal angeen vnd besteen/vn Franckreich würt zerstört.  
 Hispania würt betriebt/Hungern vnd Behem wirt  
 zerstört/vnd die land werden vil trübsalmache in der  
 welt/vnd etlich teil teutscher land werden bestritten  
 von den vnglaubigen/vnd der kleinst könig würt kö  
 men mit etlichen königen die da nahent siugen den selbi  
 gen landen/dieselbigen König werden durch ziehen  
 mit einem grossen heere/vnd werden über niemande  
 kein erbarnung habē/aber zu letzt werden sie vertrie  
 ben von einem Fürsten mit hilff der fürsten aus teut  
 schen landen/vnd auch des Königs aus Hispania/vn

der gots dienst wirt zerstört/vn auch grosser gebuch  
 an priesterschafft/villeit werden sich kerē von der ge  
 rechtigkeit der Römischen Kirchen/vil geistliche mens  
 chen werden abtrinnig von bosheit wegen irer ober  
 sten die also ist das sie die ganze welt vbergangen hat  
 vnd selten würt volgen dem gebott seines Bischoffs/  
 vnd auch etlich Cardinal werden gefangē/vnd etlich  
 werden getödt/vnd also von den würt genommen al  
 le ire hoffart vnd ere/wann die ist so groß das sie sich  
 nit allein wollen gott zu gleichen/sie wollen selber sein  
 als die götter/vnd wollen auch das man yn vnderthe  
 nig sey. Als gott/vnd wollen den menschen nit gleich  
 sein/darumb werde sie von gott geslossen in abgrund  
 der hellen/in würt auch genommen all ir zier vnd ere  
 vnd werden auch fürbas nyminer geheissen Cardinal  
 sinder Römische priester vnd dyackē/vnd wirt gesche  
 hen das man selten wirt finde einen der gern wolte sein  
 ein Bapst oder ein Cardinal/darumb ir namen wirt  
 schnöd vor allen leütē/darumb das in jnen ist alle hof  
 fart vnd kein demütigkeit. Auch alle falscheit vnd nie  
 gent kein warheit/wann was sie mit dem munde redē  
 das meinen sie nit mit dem herze/vnd auch also groß  
 ist ir geytzigkeit das sie in keinerley weise erfüllt möge  
 werden/vnd alle gerechtigkeit ist bey jnen entweicht/  
 vnd folgent keiner/wan sie allweg lieb habē gelt vnd  
 auch die jne geben/vnd armē Bischof vnd gotsga  
 ben verkauffen sie/vnd also von unsers herin leide vñ  
 von seinem rosen farben blüt lebē/das sie ire kindern  
 also verkauffen/vnd andere ire freünd machen sie da  
 mit reich/vnd kleiden sich damit selbes mit kostlichem  
 gewandt/vnd leben damit täglich vnmäßiglich hof  
 fertig. Dann von zeyt eines Bapstes Nicolaus ge  
 hant der dritt/Als man geschrieben hat von der geburt

christi. 1272. Kein Prelat syt der selbige zeyt gewesen ist  
on die sind die do heiße Simonia / vnd darumb dz sie  
nit volgen den werken der heiligen zwelfspotten der  
statt si vertreten / das sie nit wollen sich demütigen /  
vnd arm sein wollen / vnd das sie die vnglaubigen nit  
bekeren zu dem waren christen glauben / vnd das sie ir  
leben nit geben vmb die liebe gottes / als dañ ir vor for  
dern haben gethon / darumb wirt jn genommē sylber  
vnd goldt vnd darzu alle ire habe. Also das jn würt ge  
geben eisen vor goldt / vnd glas vor edel gestein / vnd ste  
cken für hohe roß / vnd anders vil des gleichen. Die  
künig werden sich samelen wider sie vnd werden sie be  
rauben vnd ir freid würt zerstöret vnd zerbroche / vñ  
ir gedechtnüß würt vergessen mit einander vnd auch  
noch etlich priester werden nit seben lassen ire Platten  
vnd auch in etlichen landen wirt das volck sein wider  
die fürsten / vnd werden auch etlich erschlagen / vnd al  
so wirt trübsal in aller welt. Do sprach ich / O lieber  
herre es vil vielleicht gott den glauben lassen vndergon  
vnd zerstören / wann vielleicht die vnglaubigen den  
Bapst vnd die Priesterschaft also erstößen / so werden  
sie fast gewaltiglich herschen / vnd die gerechten wer  
den vast vnder getruckt. Nach dem antwurt mir der  
Bischoff / die vngerechten werden etlich zeyt herschen  
über den Bapst / vnd seine priesterschaft / aber an dem  
ende werden sie zerstört von einem Fürstenn / mit hilff  
der Teutschen Fürsten / vnd von den Francken vnd  
von irem Kaiser / vnd die Römisch Kirch wirt wider  
brachte / vnd dann alle ir aufrichter die werde schlecht  
vnd gerecht / vnd werden auch nymmer nachholgen  
dem gelt / vnd alle gerecht vnd frum Prelaten werden  
wider komme zu der vnderthenigkeit / vnd wirt auch  
dann vernüwert werden die Christenheit / vnd wirt

da kummen felige zeyt vnt das da kummen wirt der  
sün der verdamnüs / Vnd do er mir das al  
les het gesaget do verschwander  
vor meinen augen / das  
das ist die war  
heit.

Der Fräzosen leichtfertigkeit gar weyt erkant  
Wirt rechtfertigen alle teutsche landt  
Vnd nach zerstörung der franzosen reich  
So man zelte ausent vierhundert dreymal vierzig  
Dann ein dapfer adler erhebet sich  
Dem in der welt nit erschen ist sein glych  
Dann werden abfallen die grossen caball  
Sie seint von marmelstein oder metall  
Vnder dem keiser Constantino aufgericht  
Zu Rom nach gewonheit vnd alle pflichte  
Dem gleichen die kostbarlichen gesatzten steine  
Die grossen pallast etwan in Rome gemeine.  
Also wirt der Französisch künig auch vnd getruckt  
Die vnuüberwinliche zeichē vo teutschē herfir ge  
Vnd die ganz welt in irrumb fallen (trückt.  
Kein statt sichires Bistums wirt halten  
Bäpstlich gewalt wirt dann ersterben.  
Regierung wirt R.M. überall er werben  
Als dann die üppige schnöde glory vnd mache  
Priesterlichs standes verget vnd wirt veracht.



